

Na iCula ni COVID-19 kei na iCula ni Veivakaukauataki e Vale e Totolo Kina na Kena Yacovi Keda na Veivuke eda na Qaravi Vakatautauvata

Rauta ni 30 na pasede na lewe i Washington era sega ni se cula vakaoti vakavinaka ena COVID-19. E laurai ena vakadidike ni taqomaki keda na icula mai na manumanu ni mate. Na icula ena veivuke sara mo kua ni tauvimate bibi se mate sara ke mani tarai iko na manumanu ni mate, o na sega tale ga ni curu bibi kina e valenibula. E bibi mo na cula ena imatai ni ivakarau ni cula kei na icula ni veivakaukauataki me rawa ni vulica vinaka kina na sotia ni yagomu na ivakarau ni kena valuti na mate ke basika e muri na mate vovou ni COVID-19. Na icula vakaturi ni wainimate ni veivakaukauataki e vakaraitaki toka ena kato e ra:

| Na imatai ni ivakarau ni icula e vakarautaki | Na yabaki ni bula vakadonui ni icula ni veivakaukauataki | Na balavu ni gauna ni matai ni ivakarau ni icula (wili kina na ikuri ni cula, ke veiganiti) kei na icula ni veivakaukauataki | Na levu ni ivakarau ni icula |
|--|--|--|------------------------------|
| Pfizer-BioNTech | ≥ yabaki 12 | ≥ vula 5 | 1 |
| Moderna | ≥ yabaki 18 | ≥ vula 5 | 1 |
| Janssen | ≥ yabaki 18 | ≥ vula 2 | 1 |

Mo taqomaki iko mai vei ira na se sega tiko ga ni rawa ni cula. E levu era tiko ga e vale era vakararavi vei ira tale eso mera vakarautaka na veika era gadreva e veisiga, e levu gona era na veisiko yani ena nodra vale. Ena rawarawa ni dewavi ira na mate mai vei ira na se sega ni cula se o ira era sega ni kila ni rairai dewavi ira ena itikotiko na mate.

Ke o kila tiko e dua e tiko ga e vale qai gadreva na icula ni COVID-19 se icula ni veivakaukauataki, mo kerea sara ga nikua ena dua vei ira na vakatutu e volai koto e ra:

- Mo qirita na naba ni tabana ni bula ena vanua o vakaitikotiko kina mo kerea me ratou gole yani ena itikotiko me vakayacori kina na veicula.
- Qirita na Laini ni Veivuke ni COVID-19 ni Matanitu mo vakaraitaka kina ni o gadreva na veitokoni ni veicula e vakayacori e vale. Tabaka na 1-800-525-0127 se 1-888-856-5816, qai tabaka na #. **Era tiko tale ga na daunivakadewa vosa ke o vinakata!**
- Vakalewena vakaoti na fomu ena veilawa se internet e toka e ra qo me semai iko ina timi ni vanua o tiko kina kei na/se timi ni veiqaravi era veisiko wavoki era rawa ni tuvanaka se vakarautaka na veicula e vale.

iSema ni Kerekere ni Veiqaravi ni iCula e Veivale ni Department of Health (DOH, Tabana ni Bula):
https://redcap.link/WA_HomeBasedVax (Volai ga Vakavalagi)

Ke o via taroga eso taro me baleta na veiqaravi qo, yalovinaka imeli ina: covid.vaccine@doh.wa.gov.

Tauyavu ni Porokaramu

E tekivu vakayacora na veiqaravi e veivale na Department of Health (DOH, Tabana ni Bula) ena Maji ni 2021. Na DOH Veiqaravi e Veivale [Veitarogi ni Kerei ni Cula](#) (Volai ga Vakavalagi) e kovuta kece e 39 na dui vanua e Washington. O ira na veicula era veitosoyaki e veivanua era veivuke qai veiqaravi ena nodra vakarautaka na imatai ni ivakarau ni icula kei na icula ni veivakaukauataki vei ira era gadreva dina. Na veiqaravi ni veicula e vakayacori e vale e rawa ni kerei ena dui vosa tale eso ni o qirita na Laini ni Veivuke ni COVID-19 (Tabaka na 1-800-525-0127 se 1-888-856-5816), qai tabaka # ena veivuke ni vosa.



Me ikuri ni ivakamacala

Rai ena: [COVIDVaccineWA.org](https://www.covidvaccine.wa.gov) se [DOH.WA.GOV/Coronavirus](https://www.doh.wa.gov)

Qirita: 1-800-525-0127, qai tabaka na #. E tiko tale ga o ira na daunivakadewa ena nomu vosa.

Veiqaravi Vakatautauvata ni iCula

Na veiqaravi ni Veicula e Vakayacori e Vale e rawa kina ni vakarautaki na icula ni wainimate ni COVID-19 ena veivanua eso e dredre me vakarautaki kina na icula. E kena inaki bibi me vakarautaki na veiqaravi vakatautauvata e vinaka duadua me baleta na icula ni COVID-19 vei ira era rairai:

- Segi ni rawa ni biubiu mai vale, se tucake tu vakabalavu, se taubale.
- E vakaleqai na ituvaki ni yagodra se malumalumu nodra vakasama.
- E vakaleqai na ituvaki ni nodra vakasama qai segi nira goleva rawa na veiqaravi e vakarautaki.

Na veiqaravi ni veicula e vale e vakarautaki kina vakatautauvata na veiqaravi ni bula ena veivanua e kilai mera dredre kina na icula. Na veivanua e dredre kina na icula ena yaco ke dina e vica na ka qo:

- E segi ni dua na vanua e vakarautaki kina na veicula.
- E segi ni dua na valenibula e vakarautaki kina na icula.
- E vica wale sara na veiqaravi ni bula ena vanua ya qai segi ni qarava rawa na lewenivanua taucoko

Na icula e vakarautaki vei ira na lewenivanua e segi ni tiko se dredre me vakayacori ena veivanua qo. Na veiqaravi ni veicula e veivale e vakarawarawataka me vakayacori na veicula ena veivanua eso e dredre se yawa.

Na veiqaravi ni veicula era veitosoyaki ena vakarautaki kina na icula bibi eso e veivakabulai ena nodra dui vale sara ga na tamata yadua. Na veiqaravi qo e baleti ira saraga na veivanua e vakilai kina e levu na dredre vei ira na lewenivanua, e vakaraitaka ni segi ni vinaka sara na veiqaravi ni bula. Era rawa ni kerea na tamata yadua na icula ni wainimate ena taro e vakarautaki se mani vanua cava era tu kina e Washington.

E tiko eso tale na veiqaravi e vakayacori e vale e segi ni okati ga kina na icula ni COVID-19?

Ena gauna qo o ira na timi ni nasi era rawa ni vakarautaka ga na icula ni wainimate ni COVID-19. Na icula ni matetaka tale eso ke ina veiqaravi tale eso me baleta na dikevi ni dra e segi ni vakarautaki ena gauna qo.

E vakarautaki na timi ni veiqaravi era veitosoyaki me baleta na kena vakayacori na veiqaravi vakatautauvata ni bula ena veivanua eso e rivarivabitaki ni na veidewavi totolo kina na mate se levu era rawa ni curu bibi kina e valenibula ena COVID-19. Oni kerei moni vakalewena vakaoti na veitarogi vua e dua e gadreva na icula ni COVID-19 nikua.

Na Cava meu Namaka niu sa Vakauta Noqu Kerekere?

Ena kumuna na DOH na fomu ni kerekere e veimacawa qai vakauta ena tabana ni bula e veiqaravi ena vanua o tiko kina me rawa ni gole yani na veivuke. O ira na veiqaravi ena valenivolavola era na veitaratara kei na na timi ni veicula era veisiko wavoki. Ke segi ni tiko o ira na veiqaravi ena tabana ni bula ena vanua o tiko kina me dusimaka na kena gole yani na veiqaravi ni veicula e veivale, era na veitaratara kei na DOH me veitokoni.

Na laini ni veivuke ni dui vosa eso ena veivanua dredre e tiko tale ga na daunivakadewa vosa mera veivuke. Ke segi ni rawa ni veivuke e dua na veiqaravi ni bula ena vanua o tiko kina, e rawa ni veivuke yani kina na DOH. Na veiqaravi ni bula e veisiko e veivanua era na veitaratara yani vei koya e gadreva na veivuke me tuvanaka na veiqaravi segi ni saumi ni icula ni COVID-19 ena nona vale.